

秦樓月

上

卷一

卷二

卷三

卷四

卷五

卷六

卷七

卷八

秦樓月

古本戲曲叢刊三集

古本戲曲叢刊編輯委
員會影印北京圖書館
藏清初刊本原書版高
二十公分寬十四公分

序



簫裁淚竹卽善離聲瑟製
貞松偏工麗曲况乎珊瑚
枕上旣待子以三年翡翠
屏中且思君兮千里崔徽

南浦寫別淚於生綃蘇小
西陵悵同心於綰帶則被
之樂府用諧鸞鳳之音傳
以教坊可叶鴛鴦之奏矣
粵稽往代云有才人門內

烏衣由來第一囊中青鏤
更自無雙乍側帽於樓前
纔聞巧笑偶遺鞭於門外
卽動輕嚔於是下蔡嬈娟
河陽窈窕將花並影弱處

生憐對雪呈姿清中得艷
有佳人今在空谷宜名士
之悅傾城折梔子之華同
心可贈採蓮花之韵苦意
難言黃鵠晨鳴欲飛焉而

且止紫騮遠去旣行矣而
安從少婦空歎於倚樓王
孫亦悲於破鏡似蠶絲而
不盡但有纏綿望烏角以
何期惟存宛轉鏤金箱篋

歐陽詹腸斷香鬟軟玉圍
屏河東生心傷紅淚精誠
不泯人在可今可古之間
時會爲難事亦若有若無
之際於是毫抽五色聊以

爲娛聲按九宮聞而可感
聽之將或歌而或泣作者
不言性而言情此則玉茗
文人奪烟花於南部金荃
才子擅月露於西崑者也

誰解記歌願留心於紅豆
吾爲倚節且動魄於朱絃
蒞栖居士吳綺題於紅鵝

館



題情

感天水生事戲爲代賦



江都吳綺蘭次



步步嬌

記得年時初相遇。人共蒲關杜。清光荳蔻餘。短簿祠邊。猛現出陽臺一處。瘦影爲秋扶。恰便似花病芙蓉露。

山坡羊

鬧穰穰。高陽朋侶亂紛紛。叢臺歌舞見脉脉。掠髮無言。愛盈盈。秋水頻回顧。罷酒時妝殘。月照初道三生。

是情
有笑同樊素。對楊長歎。擁衾私語。踟躕求凰調。尚迂。
趙趙牽牛約未通。

五更轉

乍分離。縈別慮。繫垂楊。白鼻駒。玉兒家住櫻桃塢。喜
得茗。潔香溫。此番重聚爲雲英。已早把玄霜杵。西樓
密誓低低訴。一時價。玉鏡臺邊芳心自許。

園林好

剛待把相思破除。睡橫塘。花深錦裊。豈料有封姨。嫉
妒。猛忽地遇狂且。猛忽地遇狂且。

江兒水

但願諸鸞翼。寧辭捋虎鬚。向秦庭痛哭。把連城取。同心偷結。西陵路。藏春暗入東山墅。幾夜巫山香雨。儘意把五色江毫。搦盡了瑩娘眉譜。

玉交枝

海山長固。証盟言。梅花幾株。隔牆竊聽。防鸚鵡。擲琴心。願伴當壚。正章臺柳色。未曾疎。武陵桃。瓣原無誤。又豈料愁魔未驅。又豈料愁城轉紆。

玉抱肚

蘭舟催渡。送離愁。片帆南浦。笑痴情空想。團圓把深恩難成。辜負重經虎阜。也有啼鳥。把手江關。血淚枯山長水阻。是明月無端。賺予問二分。可在揚州。怎三更不照東吳。幾番別夢。好青樓迢迢難赴。又被江攔住。燕將雛。問堂前可認得舊家盧。

三學士

傳來尺素。煩鯉魚番。教我費盡躊躇。金環已失。歲華鎖斷髮。難將鬪掃。梳心似蠶絲。渾沒緒。羨浮萍反自。

如。

解三酲

忘不了香鈞微步。忘不了玉腕斜舒。忘不了紅窓薄。
醉橫波注。忘不了雪肌膚。忘不了花前軟欸。將離情。
數忘不了燈下橫陳。將倦體鋪難忘處。有羅衾翡翠。
繡枕珊瑚。

川撥棹

寄恨愁無據。剪羅衫做信符。把題襟麗句親書。把題
襟麗句親書。要愁思長圍粉軀。倩賓鴻送遠途。試腰